

АКАФИСТ СВЯТЫМ ЦАРСТВЕННЫМ СТРАСТОТЕРПЦАМ*

Кондак 1

Избраннии царственнии страстотерпцы седмочисленнии, / Христу Богу, яко агнцы непорочнии, в жертву принёсшиися, / земли Российския хранителие и моли́твенницы, / яко стяжавшии от Царя царствующих и Господа господствующих благодать моли́тися за ны, / от всяких нас бед и напастей свободите, / да благодарственно восхваля́ем вас: // Радуйтесь, ца́рственнии страстотерпцы, Руси Святыя похвало и украше́ние.

Икос 1

Ангели Божии, хранителие душ и телес ваших, наставляху и укрепляху вас, святии, не токмо во страданиях, но присно утверждаху во истиннем пути, да будет житие ваше праведным к увенчанию мученическому; темже прославляем вас сице:

Радуйтесь, страх Божий / в сердце, яко основание, положи́вшии;

радуйтесь, премудрость Божию / издетска возлюбившии.

Радуйтесь, не яко наёмницы, / но сыны Божии, Господу угодившии;

радуйтесь, яко и звания / друзей Божиих удостоившиися.

Радуйтесь, христианскаго благочестия / твердое правило; радуйтесь, православныя веры / крепкое исповедание.

Радуйтесь, царствующаго рода / Российскаго утверждение;

радуйтесь, страждущаго народа нашего / утешение.

Радуйтесь, царственнии страстотерпцы, / Руси Святыя похвало и украшение.

* Текст акафиста святым Царственным страстотерпцам утвержден Богослужебной комиссией и Священным Синодом Русской Православной Церкви на заседании Св. Синода от 17 июля 2002 года. © журнал "Церковный вестник", 2002.

Кондак 2

Видящи Пресвятая Дева скорбь, стенание и плач народа нашего, егда смутная времена насташа, умилосердися и ява милость Свою чрез икону, именуемую Феодоровская, во избрании законнаго от Бога Михаила царя, да будет икона та покров и защита ему и всему новоизбранному царскому роду и во утверждение державы Российския. Сего ради мы благодарственно вопием Богу: Аллилуиа.

Икос 2

Разумеша людие Российстии, яко Господь избранием на царство Российское новаго рода от благочестиваго кореня утиши нестроения, смуты, мятежи в земли нашей и мир и благостояние Церкви Своей дарова. Мы же к вам, царственнии страстотерпцы, яко рождием от ветви сея благословенныя, со умилением вопием:

Радуйтеся, венѣц и похвалѣ/ рода царскаго и священнаго;

радуйтеся, корене благочестиваго/ преславныя отрасли.

Радуйтеся, Российскаго патриарха Филарѣта/ и великия старицы инокини Марфы святое наследие;

радуйтеся, благочестия двѣицы сея/ преславное исполнение.

Радуйтеся, священнаго праотца вашего любовь и ревность/ о православном Отечестве наследовавши;

радуйтеся, преподобныя праматере смирение и упование/ на помощь Божию восприѣмши.

Радуйтеся, прадеднаго благословѣния/ Божия Матере удостоившиися;

радуйтеся, благословение сие, яко залѣг,/ даже до смерти мученическаго соблюдиши.

Радуйтеся, царственнии страстотерпцы,/ Руси Святыя похвало и украшение.

Кондак 3

Сила Божия и промысление Всевышняго явися в рождении твоём, царственный страстотерпче Николае, великому бо чудотворцу Мир Ликийскому уподобився, новый заступник Российския земли показался еси, многия же скорби и болезни, яко праведный Иов, в житии претерпев, ныне с лики мученическими наслаждаешься райскаго блаженства, воспевая Богу: Аллилуиа.

Икос 3

Имея сугубыя заступники и покровители, Иова праведнаго и Николая святителя, в рождении твоём, державный страстотерпче, добродетели тех в сердце стяжал еси. Мы же, благодаряще Бога и дивящся Его всесильному промыслению о тебе, благоговейно воспеваем сице:

Радуйся, в молитвах святителя Мир Ликийских/ присно призываяй;

радуйся, того по́мощию/ Российскую державу праведно окормляяй.

Радуйся, сердечным попечением/ о людех тому уподобивыйся;

радуйся, милосердие во всех дѣлах,/ якоже оный, явивый.

Радуйся, истину и верность во всем житии твоём,/ яко Иов, сохранивый;

радуйся, кротость и незло́бие/ того в сердце твоём стяжавый.

Радуйся, в тяжких бедах, якоже многострадальный праведник,/ устнама пред Богом ничимже согрешивый;

радуйся, вся приключшаяся тебе/ благодарно со смирением терпёвый.

Радуйтесь, царственнии страстотерпцы,/ Руси Святыя похвало и украшение.

Кондак 4

Бурю смущения, воздвигаемую от человек злочестивых в стране нашей, твой державный родитель рукою крепкою укроти и царство Российское цело и нерушимо тебе в наследие даде. Обаче завистию диаволею земля наша в вящее искушение ввержена бысть и ты, угодниче Божий, отверже. Ты же, святче, провидя сие поущение Божие за грехи людския, усердно Богу воспевал еси: Аллилуиа.

Икос 4

Слыша наставления державных родителей твоих и праведнаго Иоанна Кронштадтскаго, како подобает православному государю быти, положил еси в сердце, царственный страсотерпче Николае, православие, державу и народ Российский во единстве блюсти. Сего ради мы воспеваем тебе тако:

Радуйся, благочестивых роди́телей/ отрадо и утешéние;

радуйся, мудрых наставлénий/ исполнénие.

Радуйся, издетска véре/ и благочестию научénный,

радуйся, в любви к Бóгу/ и Церкви укоренénный;

Радуйся, в верности ко Отéчеству/ и народу своему воспитанный;

радуйся, дúшу свою/ за него положити готóвый.

Радуйся, царский венец от Бóга/ с благоговением восприéмый;

радуйся, дара Духа Святаго на царское служéние/ в помазании миром удостóенный.

Радуйтесь, царственнии страсотерпцы,/ Руси Святыя похвало и украшение.

Кондак 5

Богосветлая звезда во мраце скорбей благоверней супружнице твоей явился еси, царственный страстотерпче Николае, указуя и возглавляя путь ея, якоже повеле Господь. Мы же, прославляюще ваш благословенный святой брачный союз во Христе, хвалу Богу воздаем, поюще: **Аллилуиа.**

Икос 5

Видя царственный страстотерпец, яко зарю солнечную, яко Ангела светла, юницу Александру, избра ю себе в благоверную супружницу, православную царицу и мать народа Российскаго. Мы же, ведуще усердное служение ея, воспеваем сице:

Радуйся, именитаго рѣда/ благочестивое прозябѣние;

радуйся, от лютерския веры к православію/ образе спасительнаго прехождѣнія.

Радуйся, всем сѣрдцем/ молитву возлюбившая;

радуйся, о службе Бѣжией/ сердечно ревновавшая.

Радуйся, словом Бѣжиим/ и писанием святых отец себе назидавшая;

радуйся, посты церкѣвныя/ благоговейно соблюдавшая.

Радуйся, русское благочѣстие/ достойне восприѣмшая;

радуйся, истинныя жизни/ во Христе приобщившаяся.

Радуйтеся, царственнии страстотерпцы,/ Руси Святыя похвало и украшение.

Кондак 6

Проповедницы чистоты святого брака во образ единства Христа и Церкви явились есте, благовернии Николае и Александре Вы бо, благодать сего великаго таинства достойно восприемше, даже до мученическа кончины Христу и друг другу верность сохранили есте, присно воспевающе Богу: Аллилуиа.

Икос 6

Возсия в стране Российстей, яко прекрасная светила, благоверная царственная чета Николай и Александра, истинная домашняя церковь, супрузи, связуемии союзом любве о Господе. Мы же, прославляюще образ их супружескаго целомудрия и добронравнаго жития в мире сем развращением и грешнем, со благоговением воспеваем сице:

Радуйтеся, всем сёрдцем/ Бога взыска́вшии;

радуйтеся, в путех Господних/ непорочно ходи́вшии.

Радуйтеся, чето честна́я,/ свыше избра́нная;

радуйтеся, двоице святáя,/ славою и честию от Бога увенча́нная.

Радуйтеся, целомудрие супру́жеское/ многочадием просла́вившии;

радуйтеся, чада своя, яко новосаждения ма́сличная,/ окрест трапезы Небесныя собра́вшии.

Радуйтеся, в супружестве су́щих/ благочестно жити науча́ющи;

радуйтеся, ми́р Христов/ оным милостивно низпосыла́ющи.

Радуйтеся, царственнии страстотерпцы,/ Руси Святыя похвало и украшение.

Кондак 7

Хотяще свой дом благочестно устроити, заповеди Господни и брак честен добре соблюли есте, благовернии супрузи Николае и Александро. Темже, многочадием свою домашнюю церковь украсивше и дщери своя, яко мудрыя евангельския девы, воспитавше, в невесты Христу уготовали есте. С нимиже ныне вкупе воспеваете Богу: **А**ллилуиа.

Икос 7

Новую милость яви Господь народу русскому, добронравныя и целомудренныя дщери благочестивыя царственныя четы: Ольгу, Татиану, Марию и Анастасию. Тыя бо, женам мирносицам подражающия и елей милосердия в душах хранящия, болящим и страждущим усердно послужиша и мученическую смерть за Христа прията. Сего ради прославляем их сице:

Радуйтесь, дщери царёвы, / обетовании Божиих сподобльшиися;

радуйтесь, заповедь Бóжию / о почитании родителей соблюдшия.

Радуйтесь, царскаго достóинства / не посрамившия;

радуйтесь, стихиями мíра / сего не порабощённыя.

Радуйтесь, людем, сущим в бедах и скóрбех, / помогающия;

радуйтесь, за врагóв сво́их / усердно молящияся.

Радуйтесь, агницы непорóчныя, / в жертву Богу себе принёсшия;

радуйтесь, невесты Христóвы, / в чертозех Жениха Небеснаго пребывающия.

Радуйтесь, царственнии страстотерпцы, / Руси Святыя похвало и украшение.

Кондак 8

Странно и чудно бысть рождение твое, святыи царевичу Алексие. Плод бо благославен молитв Саровскаго чудотворца и чаемый царственный наследник родителей быв, слава, надежда и упование явился еси всем концем земли нашея. Сего ради людие Российстии с радостию благодарственно воспеша Богу: Аллилуиа.

Икос 8

К вышним душею детскою, яко Ангел, устремляясь, святыи царевичу Алексие, родители, сестры, сродники и ближняя искренне возлюбил еси и, яко агнец незлобивый, руками злочестивых убиен, новый отрок страстотерпец явился еси. Сего ради восхваляем тя сице:

Радуйся, отроча, от утробы ма́терния/ Богом предызбранное;

радуйся, чадо, усердными родительскими молитвами/ к чудотворцу Саровскому России дарованное.

Радуйся, царевичу добролюбезный и крóткий,/ милосердие в сердце стяжавый;

радуйся, страда́льче,/ многия скорби и недуги измлада безропотно терпéвый.

Радуйся, наследниче Российскаго престóла,/ от беззаконных убиéнный;

радуйся, наследником Царствия Небéснаго/ от Бога явлéнный.

Радуйся, агче непорóчный,/ яко праведный Авель, умерщвлéнный;

радуйся, страстотерпче, к лику святых óтроков,/ яко Димитрий царевич, причтéнный.

Радуйтеся, царственнии страстотерпцы,/ Руси Святыя похвало и украшение.

Кондак 9

Всяк благочестивый удивляется о тебе, царю Николае, како ты во времена, егда в земли нашей истина умалися и подавляшеся неправдою, пребыл еси сын верный Святыя Церкви, защитник и хранитель православныя веры, таже исповедник и мученик Христов. Сего ради Церковь Русская, ликующи, Богу вопиет: **Аллилуиа**.

Икос 9

Ветии зловещаннии тщашася оболгати тя лжою и лестью и истребити память о тебе, царственный помазанниче Божий Николае, кровавым тя нарицающе, обаче погипе память тех с шумом. К тебе же, воистину кровь свою за Христа проливавшему, Российский народ с покаянием вопиет:

Радуйся, прославления прáведников/ и угодников Божиих добрый рачítелю;

радуйся, Кронштадтскаго пастыря и Саровскаго чудотворца/ усердный почитáтелю.

Радуйся, православных хра́мов/ боголюбивый создáтелю;

радуйся, иноческих обítелей/ и монашества благочестивый покровítелю.

Радуйся, Святыя Земли и Горы Афóнския/ щедрый благодворítелю;

радуйся, духовных вертогра́дов/ мудрый попечítелю.

Радуйся, возрождения соборнаго начáла/ Церкви Русския устройítелю;

радуйся, восстановления всеросси́йскаго/ патриаршаго престола ревнítелю.

Радуйтеся, царственнии страстотéрпцы,/ Руси Святыя похвало и украшéние.

Кондак 10

Спасти и сохранить хотя православное царство Российское цело и нерушимо, святы́й благоверный царю Николае, и видя ослепление народа твоего, отрекшагося от Царя Небеснаго, такожде и земнаго, в душевных муках оставил еси престол земный. Темже, упова́я на милость Господа и себе в руке Божии предав, непоколебим в вере и благочестии пребыл еси, воспева́я: **Аллилуиа.**

Икос 10

Стена и ограждение был еси всем православным людем Российским, святы́й благоверный царю Николае, избавляя их от нашествия иноплеменников и братоубийственныя брани и мир же, елико возможно, тщался еси имети со всеми. Мы же, веду́ще сие, благодарив тебе воспеваем:

Радуйся, пророчески призвавый наро́ды/ мечи на ора́ла перекова́ти;

радуйся, евангельски сподо́бивыйся/ блаженства миротворцев стяжа́ти.

Радуйся, стран словéнских/ надежный за́щителю;

радуйся, народов державы Росси́йския/ сугубый по́печителю.

Радуйся, державы Росси́йския/ мудрый правíteлю;

радуйся, во бранех иску́сный/ и доблий воíteлю.

Радуйся, дерзостных дел служителей беззако́ния/ тайнаго губíteлю;

радуйся, восставших на Бо́га/ и на тя, яко помазанника Его, посрамíteлю.

Радуйтесь, царственнии страстотерпцы,/ Руси Святыя похвало и украшение.

Кондак 11

Пения всякаго достойна память ваша, святии царственнии страстотерпцы. Вы бо, образ исповедничества и ревности по Бозе верным людем показавше, заповедаете не мстити злодеющим, яко любы токмо победит зло, паче же прощати гонящим и молитву творити за них, благодарственно поюще Богу: Аллилуиа.

Икос 11

Светоносный светильник седмочисленный вемы вас, святии царственнии мученицы, царским бо путем шествующе, в жертву благоугодную Агнцу Божию уготоваете себе и невинно смерть приясте. Темже просвещение нам даруйте, озаряюще омраченная сердца наша, и верным путем шествовати научите, прославляющим вас сице:

Радуйтесь, агнцы непорóчнии,/ Христу Пастырю последовавшии;

радуйтесь, образ исповéдничества/ верным людем показáвшии.

Радуйтесь, от юности/ совесть чисту соблю́дшии;

радуйтесь, жи́зни конéц/ достойно восприéмшии.

Радуйтесь, седмочисленнии страстотéрпцы,/ во едином душе Богу предста́вшии;

радуйтесь, кровию мученическою/ Церковь Христову украси́вшии.

Радуйтесь, новомученицы,/ за Русь Святую от безбожных пострада́вшии;

радуйтесь, лик страстотерпцев Росси́йских/ добле воспóлнившии.

Радуйтесь, царственнии страстотерпцы,/ Руси Святыя похвало и украшение.

Кондак 12

Благодать изрядну Бог дарова Церкви Российской, прославив на Небеси святых царственных страстотерпцы. Сего ради и мы на земли прославляем вас, яко истинныя хранители и покровители страны нашей, и Богу вопием: **Аллилуиа**.

Икос 12

Поюще промышление Божие, подвижное сердца людей Российских прославить вас, царственный страстотерпцы, на земли евангельски пожившия и за Христа от безбожных пострадавшия и чудеса по смерти прославившия, дерзаем воспевати сице:

Радуйтесь, яко прославлению вáшему/ многия люди возрадовашася;

радуйтесь, яко чудеса вáшими/ сердца верных укрепяшася.

Радуйтесь, народ Россійский/ к покаянию призывающии;

радуйтесь, отеческия заветы/ исполняти нас наставляющии.

Радуйтесь, молитвами вáшими/ от междоусобия нас избавляющии;

радуйтесь, в мíре и любви/ со всеми жити нам помогающии.

Радуйтесь, яко образы вáши/ мироточением прославляются;

радуйтесь, яко в честь вáшу/ храмы созидаются.

Радуйтесь, царственный страстотерпцы,/ Руси Святых похвало и украшение.

Кондак 13

О единокорная великоименитая седмице, царственнии страстотерпцы, многия скорби, поругания, страдания душевная и смерть телесную за Христа приемшии и венцы небесными от Него увенчанныи! Приимите ныне от нас похвальное прославление и сердечное покаяние и милостивным вашим ходатайством умолите Царя славы мир Церкви нашей даровати, страну в православии, благочестии и единстве сохранить, нам же ожесточения сердечнаго и ослепления избавитися, да сыновне Богу вопием: Аллилуиа. **Трижды.**

Икос 1

Ангели Божии, хранителие душ и телес ваших, наставляху и укрепляху вас, святии, не токмо во страданиях, но присно утверждаху во истиннем пути, да будет житие ваше праведным к увенчанию мученическому; темже прославляем вас сице:

Радуйтесь, страх Божий/ в сердце, яко основание, положивши;

радуйтесь, премудрость Божию/ издетска возлюбивши.

Радуйтесь, не яко наёмницы,/ но сыны Божии, Господу угодивши;

радуйтесь, яко и звания/ друзей Божиих удостоившиися.

Радуйтесь, христианскаго благочестия/ твердое правило;

радуйтесь, православныя веры/ крепкое исповедание.

Радуйтесь, царствующаго рода/ Российскаго утверждение;

радуйтесь, страждущаго народа нашего/ утешение.

Радуйтесь, царственнии страстотерпцы,/ Руси Святыя похвало и украшение.

Кондак 1

Избра́ннии ца́рственнии страстотерпцы седмо-
чи́сленнии, / Христу Бо́гу, яко агнцы непорочнии, в
жертву прине́сшиися, / земли Российския храните-
лие и моли́твенницы, / яко стяжавшии от Царя цар-
ствующих и Господа господствующих благодать мо-
ли́тися за ны́, / от всяких нас бед и напастей свобо-
ди́те, / да благодарственно восхваля́ем вас:// Радуй-
теся, ца́рственнии страстотерпцы, Руси Святыя по-
хвало и украше́ние.

Молитва святым царственным страстотерпцам

О святы́й страстотерпче царю мучениче Николае! Господь
тя избра помазанника Своего, воеже милостивно и право
судити людем твоим и хранителем Церкви Православныя
быти. Сего ради со страхом Божиим царское служение и о
душах попечение совершал еси. Господь же, испытуя тя,
яко Иова Многострадальнаго,пусти ти поношения,
скорби горькия, измену, предательство, ближних отчуж-
дение и в душевных муках земнаго царства оставление.
Вся сия ради блага России, яко верный сын ея, претерпев,
и, яко истинный раб Христов, мученическую кончину при-
ем, Небеснаго Царства достигл еси, идеже наслаждаешия
Вышния славы у Престола всех Царя, купно со святою
супружницею твоею царицею Александрою и царствен-
ными чады Алексием, Ольгою, Татианою, Мариєю и Ана-
стасиею. Ныне, имея дерзновение велие у Христа Царя,
моли, да простит Господь грех отступления народа нашего
и подаст грехов прощение и на всякую добродетель наста-
вит нас, да стяжим смирение, кротость и любовь и сподо-
бимся Небеснаго Царствия, идеже купно с тобою и всеми
святыми новомученики и исповедники Российскими про-
славим Отца и Сына и Святаго Духа, ныне и присно и во
веки веков. Аминь.